

Sakspapir

Sakshandsamar	Arkiv	ArkivsakID
Frank Kvinge	FA-C35, FE-223	20/318

Saknr	Utval	Type	Dato
004/2020	Kraftfondsstyret	PS	31.03.2020

Søknad om prosjektstønad til studioinnspeling

Vedlegg:

Journalposttittel

Søknad om særskilte kulturmidlar

Dato

23.03.2020

Rådmannen sitt framlegg til vedtak:

Saka vert lagt fram til drøfting i kraftfondstyret.

Saksopplysningar:

Bakgrunn/ fakta

Frida Riisnes f. 1995, søker stønad til inspelning av eigen musikk. Søkjar er frå Risnes i Masfjorden og no mastergradsstudent i musikkterapi ved Griegkademiet i Bergen.

Ho står og på trappa til å ta steget ut som artist med eigenprodusert musikk, og det er dette ho søker stønad til.

Samla prosjektkostnad er kr 48 000.

Viser til vedlagt søknad.

Vurdering:

Søkjar har i mange år utmerka seg som ein sær talentfull utøvar med ein spanande eigenart. No er søkjar klar til å ta steget ut som artist og gjera dette til levebrød. Rådmannen meiner det er flott om kommunen kan hjelpe lokale ungdommar i gang med sin jobbkarriere, og i dette tilfellet ein artistkarriere. I søknaden gir søkjar uttrykk for stor tilknytning til Masfjorden kommune, og rådmannen meiner dette kan vektleggjast.

Masfjorden kommune har ikkje avsett midlar på kulturbudsjettet til slike tiltak. Ein liten del av kulturmidlane er øymerka særskilde kulturtiltak, og vert gitt som stønad til ymse lokale arrangement og tiltak gjennom året.

Rådmannen tilrår at eit eventuelt tilskot difor bør koma frå kraftfondet, sjølv om søkjar ikkje er busett i kommunen og ein er klar over at ei framtidig artistverksemd sannsynlegvis ikkje vil ha

adresse i kommunen. I retningslinene for Kraftfondet står det at fondet *i hovudsak* skal nyttast til næringsføremål. Stønad gjennom kraftfondet kan gjevast i form av tilskot eller lån. Det overordna målet med å bruka kraftfondet er å fremja etablering av nye verksemder. I dette tilfellet kan eit tilskot frå Masfjorden kommune kunna vera med å styrka omdømmet til kommunen, ved at ein viser vilje til å støtte opp under ein ung artist som er frå Masfjorden. Det vert og vektlagt at søkjar i søknaden skriv at ho ønskjer å gje noko tilbake gjennom ein konsert i kommunen. Sidan kommunen er arrangør av Sommarscena, meiner rådmannen at ein slik konsert kan høva godt i 2021. Ein gratiskonsert frå søkjaren og medmusikarar, der kommunen stiller med lokale, lyd/lysteknikar, og får billettinntektene, kan langt på veg kompensera for eit tilskot. Å tildela eit tilskot kan då lettare forsvarast i høve retningslinene for kraftfondet.

Konklusjon:

Saka vert lagt fram til drøfting i kraftfondstyret, og deretter evt som løyvingsak.

Kraftfondsstyret - 004/2020

KRFT - behandling:

Saka vart drøfta.

Det vart jobba fram følgjande framlegg til vedtak i møte:

Søknaden vert handsama saman med dei ordinære søknadane om støtte frå Kraftfondet.

Framlegg til vedtak vart samrøystes vedteke.

KRFT - vedtak:

Søknaden vert handsama saman saman med dei ordinære søknadane om støtte frå Kraftfondet.